

INSTRUCCIONES QUINCENA 18 AL 29 DE MAYO: ¿QUÉ VAMOS FACER?

Con estos fiches, vamos repasar y deprender pallabreru n'asturianu sobre dellos animales y otros habitantes de la mar de los que nun podemos escaecenos. Vamos leer una historia, buscaremos tol pallabreru que nun entendamos nel DALLA online y comprobaremos si comprendimos l'argumentu contestando unes preguntes.

Al travies de la historia y d'un cantar, repasaremos tamién ortografía y gramática. Podremos disfrutar de dalgún vídeo prestoso, xugaremos y resolveremos dalgún pasatiempo... ¡Ah! esta quincena amás, vamos deprender a facer un caligrama... ¡tais preparaos y preparaes?

Si veis qu'en dalguna de les fiches que vos devuelvo revisaes, vos puse anotaciones o recomendaciones de repetir dalgo, por favor faceilo. Toes estes actividades van formar una parte perimportante de la vuestra evaluación.

Na parte d'abaxu d'esta páxina, déxovos los enlaces que vais necesitar pa facer estes tarees, pa consultar, escuchar, ver ya investigar. Amás, déxovos tamién dalguno más con xuegos y cosines prestoses.


Esta fueya d'instrucciones nun fai falta que la imprimáis. Ye pa davos les pautes de trabayu y pa qu'uséis directamente los enlaces (pincháis nellos y vos lleven a la páxina que correspuenda).

Nun vos agobiar, organizavos pa facer un pocoñín cada día o cada dos dies y yá veréis que vos da tiempo de sobra.

Cualquier cosina, nun solo pa mandame les tarees, pa dalgo que nun entendáis, que necesitéis dicime..., lo que seya, nun duddeis en mandarme un correu a:

cursu20192020@gmail.com

Incluso dende Gmail, tenemos la opción de falar nun chat: **HANGOUTS** (por si queréis probar).



Na web del cole Xuño Choa podréis acceder tamién a los materiales de llingua. Dende ehí tenéis acceso directu al blogue onde voi dexándovos caxigalines pa que veáis, sintáis, vos entretengáis,...

Equí tenéis les direcciones:

BLOGUE: <http://cppoetajuanchoa.blogspot.com/>

WEB: <https://alojaweb.educastur.es/web/cppoetajuanchoa>

Enllaces rellacionaos coles actividades d'esta quincena:

PA CONSULTAR YA INVESTIGAR:

ENCICLOPEDIA: <https://ast.wikipedia.org/wiki/Portada>

DICCIONARIU: <http://www.academiadelalingua.com/diccionariu/>

POR SI TENÉIS QUE TORNAR DAQUÉ:

TRADUCTOR: <http://eslema.uniovi.es/comun/traductor.php>

CANTAR / KARAOKE (XENTIQUINA):

<https://youtu.be/jbwINDAdnI>

CANTAR (PAULINE EN LA PLAYA):

<https://youtu.be/CONviF1VPFW>

VÍDIOS: EDUCASTUR TV "PEXES": <https://www.rtpa.es/video:Aprende%20con%20TPA%20551587076998.html>

(a partir del minuto 33 y 55 segundos hasta'l final)

PEXES Y MARISCOS: <https://youtu.be/u5avHAXNU4Q>

CÓMO FACER UN CALIGRAMA: https://youtu.be/3BN1_K9vuy

XUEGOS PA REPASAR:

SINÓNIMOS: <https://es.educaplay.com/recursos-educativos/5535018-palabres.sinonimes.html>

<https://es.educaplay.com/recursos-educativos/5534974-palabres.sinonimes.html>

ANTÓNIMOS: <https://es.educaplay.com/recursos-educativos/2851408-antonimos.html>

FEM./MASC. - SING./PLU.: <https://es.educaplay.com/recursos-educativos/5450269-sustantivos.html>

<https://es.educaplay.com/recursos-educativos/3671048-la-familia.masculin-y.femenin.html>

SOPA LLETRES: <https://es.educaplay.com/recursos-educativos/2851371-palabres.con.x.html>

LA SERENINA



MUI PA DIENTRO LA MAR, l'agua ye más azul que la flor más azul y más transparente que'l cristal más transparente. Pero tamién ye mui fondo, y, si punxéremos munches torres de campanariu una enriba la otra, nun diben llegar del fondu la mar a la superficie del agua. Ellí abaxo ye onde vive la Xente de la Mar: los tritones y les serenes.

Nun pienses que lo único qu'hai nel fondu ye arena, ¡nomenón! Los árboles y les plantes más maraviosos crecen ellí, con unos tueros y unes fueyes tan tiernos que'l movimientu más pequeñu del agua sescúdelos como si tuvieran vivos. Tolos pexes, lo mesmo los grandes que los pequeños, nalen pente les cañes igual qu'equí arriba faen los páxaros esnalandu pel aire.

El palaciu del rei Tritón queda na parte más fonda. Tien los muros de coral y grandes ventanales d'ámbare más claro, pero'l teyáu ta fechu de cáscares de muxones, qu'abren y zarren col dir y el venir del agua. Eso produz un efectu mui prestosu, porque en toles cáscares hai perles tan rellumantes que podíen ser, caúna d'elles, l'orgullu de la corona d'una reina.

El rei Tritón lleva vilbu muchos años, pero la so vieya madre cuída-y la casa. Ye una mujer mui llista, pero tan ufana del so nacimientu noble que lleva doce ostres na cola, mientras que los otros nobles namás pueden llevar seis. Quier mucho a les ñetes, les princesines serenes.

Les princesines son seis neñes preciosas, pero la más pequeña ye la más guapa. Tien la piel fino y delicao como'l pétalu d'una rosa, y los güeyos azules como la mar más fonda. Pero, lo mesmo que les otras, en vez de piernes, tien una cola.

Suelen echar tol día xugando nos grandes salones del palaciu, onde nacen flores de los muros. Cuando los ventanales d'ambre tán abiertos, los pexes entren nalandu pa escontra les princesines, a come-yos de les manes.

Fuera'l palaciu hai un xardín pergrande, con árboles raros, azules y coloraos, que dan

fruta rellumante como'l fueu. El suelu ye de l'arena más fino, pero d'un color azul fosforecente.

Cada princesina tien la so parte del xardín, onde pue poner les plantes que quier. Una fai'l so matu flores cola forma d'una ballena, a otra gústa-y que s'asemeye a una serenina. Pero la más pequeña fai'l d'ella redondu como'l sol, y pon namás flores rosaes, como los rayos del sol.

Les hermanes estren los sos xardinos con muchos oxetos raros que saquen de los naufraxos. Ella, en cambiu, tien una estatua d'un mozu mui guapu. La estatua ta tallada en mármole blanco, y llegó al fondu procedente tamién d'un naufraxu.

A la serenina, lo que más-y presta ye sentir histories del mundu d'arriba y de los seres humanos. Suel manda-y a la güela que-y conte cuentos de barcos y pueblos, de xente y animales.

Lo que más-y llama l'atención d'eses histories ye que, na tierra seco, les flores tienen arume, porque, nel fondu la mar, nun güelen a nada. Tamién-y choca que los árboles seyan verdes, y que los pexes qu'anden pente les cañes puedan cantar tan alto y tan guapo que seja un placer sentilos. La güela llámalos pexes-paxarinos pa que les serenes la entiendan, porque enxamás vieron un páxaru.

—Cuando seyas una mocina —dixo-y una vez la güela—, vas poder xubir a la superficie de la mar y sentate nes peñes a la lluz de la lluna, y mirar cómo naveguen los barcos, y tamién ver los montes y los pueblos.

La serenina, de Hans Christian Andersen (adaptación)

BUSCA LES PALLABRES QUE QUE NECESITES NEL DALLA

✿ ENTENDIMOS LA LECTURA?

- ¿Quién ye la Xente de la Mar? _____
- ¿Cómo se llama'l rei de la Xente de la Mar? _____
- ¿Qué más vive en palacio col rei? _____
- ¿Cómo son los xardines de les princesines? _____
- ¿En qué s'asemeyen los pexes del fondu la mar a los páxaros del cielu? _____
- ¿Qué ye lo que más-y presta a la serenina pequeña? _____
- ¿Qué va poder facer cuando seya mocina? _____
- ¿Dónde viven? _____
- ¿Cómo ye'l so palaciu? _____
- ¿Dónde _____
- ¿Qué _____

✿ LA PALLABRA TRITÓN QU'APAEZ NA LECTURA, TIEN 3 SIGNIFICAOSES. YE UNA PALLABRA _____.

Búscalala nel DALLA y completa les entraes que falten.

1. Tritón: nome d'un satélite del planeta Neptuno. 2. _____
3. _____

✿ NA LLECTURA, NÓMENSE DOS CLASES DE MARISCU. ¿CUÁLOS? _____

✿ USA LES PALLABRES NUEVES QUE NOS PROPÓN LA LLECTURA PA COMPLETAR ESTES ORACIONES:

PALABRAS NUEVAS
nalar
esnalar
ámbare
muxón
vilbu
ufana
estrar
naufraxu
mármole

- c. Garré un del pedreru.
 b. Hai que ser curiosu y nun el suelu de basura.
 c. Los páxaros saben ensin que naide los aprenda.
 d. Dende que mio tía morrió, mio tíu ta
 e. Voi a la piscina a toles tardes.
 f. Anda mui porque-y tocó la quiniela.
 g. El pirata sobrevivió al

✿ RECUERDA:

en + el = nel	en + la = na
en + los = nos	en + les = nes

✿ COMPLETA COLES CONTRAICCIONES ANTERIORES Y DÍ SE LES ORACIONES SON VERDÁ O NON:

- a) Lo únicu qu'hai _____ fondu del mar ye arena. _____
- b) El palacio del rei Tritón queda _____ superficie. _____
- c) La ma del rei Tritón lleva 12 ostres _____ cola. _____
- d) Les princeses xueguen _____ salones de palacio. _____
- e) Cuando la serenina medre va poder subir a la superficie y sentase _____ peñes a la lluz de la lluna. _____

✿ LES PALLABRES QUE-Y FALTEN A LA TABLA DE LA SERENA YÁ LES VISTI NA LLECTURA Y LES ACTIVIDADES ANTERIORES. EQUI TIÉNESLES EN CASTELLANU. PONLES N'ASTURIANU. SI NUN SABES O QUIES COMPROBAR SI LU FAES BIEN, PUEDES CONSULTAR EN ESEMA.

CASTELLANU	ASTURIANU
algas	
nécora	
playa	
sirena	serena

- Torna al asturianu, usando les pallabres de la tabla:

Las rocas estaban llenas de algas.

Hoy han comido nécoras.

Encontró una sirena rubia.

Hicimos un castillo en la playa.

✿ TRABAYAMOS CON UN CANTAR

Na fueya d'instrucciones tienes 2 enllaces pa que sientas dos versiones diferentes d'esti cantar. La orixinal de XENTIQUINA y una versión de PAULINE EN LA PLAYA.

Veriquina la playa,
en delles nueches de lluna enllena,
siéntese, seliquino,
el canciu melgueru d'una serena
que namoró a un marinero
que la sintiere cantar
cuando'l so barcu veleru
tornaba un día de la mar.

Y diz la xente del pueblu
que la serena la mar
fai d'amores prisioneru
al que la siente cantar.

Veriquina la playa,
en delles nueches de lluna enllena,
cuénta-y los sos amores
el marinero a la serena.



→ Contesta a estes entrugues:

¿Cuál de les dos versiones prestóte más? _____

¿Quiénes son los protagonistas

d'esti cantar? _____

¿Qué se siente seliquino? _____

¿Qué significa seliquino? _____

¿Cuándo se sienten los cancios de la serena? _____

¿Qué diz la xente del

pueblu? _____

→ Veriquina significa lo mesmo que:

llobie	al llau	enriba	detrás
--------	---------	--------	--------

Lo que ta bien ye Son
porque signifiquen lo mismo.

¿Cuál d'esos pallabres sería'l so antónimu? _____

→ ALCUÉRDATE:

	FEMENÍN	MASCULÍN
AUMENTATIVOS	-ona (playona)	-ón (veleron)
DIMINUTIVOS	-ina (playina)	-ín (velerín)

Agora failo tú:

- lluna:

- marinero:

- pueblu:

- serena:

✿ EN DELLES ORACIONES DE LA LLECTURA UTILÍZASE L'ALVERBIU MUI. N'ASTURIANU SABES QUE PUEDE USASE UN SUFIXU PA SUSTITUILU. A VERSI T'ALCUERDES...

Pero también ye mui fondo...

Eso produz un efectu mui prestosu...

Les princeses son mui guapes...

El palaciu, tien un xardín mui grande...

Tien una estatua d'un mozu mui guapu...

✿ NESTA SOPA LLETRES HAI 7 PEXES DE MAR, DE LOS QUE PODÍEN VESE NALANDO PEL PALACIU DEL REI TRITÓN. ¡BÚSCALOS!

f	u	n	p	a	n	u	b	u	p
h	b	e	n	t	i	ñ	o	s	u
o	e	s	i	l	r	e	n	q	p
e	n	i	s	a	r	d	i	n	a
s	c	h	e	x	a	u	t	a	r
p	e	a	m	e	h	e	o	f	r
u	ñ	v	n	n	o	b	c	i	o
e	l	x	r	t	m	z	s	r	c
r	i	u	e	e	b	o	a	u	h
m	i	o	m	e	r	l	u	z	a
n	l	p	i	o	í	b	p	e	n
a	p	i	x	í	n	e	o	b	e






EL TRUEL SACÓ 7 PALLABRES DEL AGUA, PERO NUN TOES TIENEN
RELACIÓN COLA MAR. ¿CUÁLES SON LES QUE SOBREN?

◆ CRUCIGRAMA MARTÍN.

1. Fuera d'Asturies llámenles nécoras.
 2. Playa.
 3. Ser mitolóxicu marín.
 4. Plantes de la mar.
 5. Ún de los mariscos que salen na llectura.

The diagram consists of five rectangles labeled 1 through 5. Rectangle 1 is a 3x2 rectangle. Rectangle 2 is a 3x1 rectangle. Rectangle 3 is a 3x3 rectangle. Rectangle 4 is a 3x2 rectangle. Rectangle 5 is a 3x1 rectangle. They are arranged in two rows: the first row contains rectangles 1, 2, and 3; the second row contains rectangles 4 and 5. Each rectangle is composed of smaller squares.

 BUSCA NEL ENLLAZ QUE NECESITES DE LA PRIMERA FUEYA ESTOS ANIMALES MARINOS, MIRA CÓMO SON Y PÍNTALOS LO MÁS ASEMEYAO A LA REALIDÁ.



- Camuda'l número del nome de cada animal del recuadru.
 - Chicharrín:
 - Muxones:
 - Xarda:
 - Camarón:
 - Chopa:
 - Tiñosu:
 - Potarru:
 - Llangosta:
 - Anguila:
 - Tiburón:
 - Alcuérdate que puedes buscar cualesquier cosa o pallabra que nun entiendas, nos diferentes enllaces de la primera páxina (DALLA, UIQUIPEDIA, ESLEMA,...).

⊛ ¿SABES LO QUE YE UN CALIGRAMA? (PUEDES AYUDARTE COL VÍDIU QUE DEXÉ PA DEPRENDER A FACELOS). TIENES QUE FACER ÚN COL NOME DE TOLOS PEXES, ANIMALES MARINOS Y SERES MITOLÓXICOS, QUE SALEN NESTES ACTIVIDADES.